

25 NOIEMBRIE
RUGACIUNEA 2
SF. MARE MUCENIC
MERCURIE
DE LA CEZAREEA CAPADOCIEI

Молитва

О великомучениче святы́й и до́блйй во́ине Христо́в Мерку́рие, страда́нием, кро́вию и сме́ртию свое́ю ве́рность Христу́ и Це́ркви Его́ свидете́льствовавший и сего́ ра́ди вене́ц жи́зни от Него́ прие́мый! Ны́не в хвале́бных пе́снях тебе́ прославля́юще, смире́нно к тебе́ припа́даем и усер́дно мо́лим: предста́тель бу́ди пред Бо́гом о душа́х на́ших неусы́пный, умоли́ Влады́ку Го́спода, да сохра́нит Святу́ю Це́рковь Свою́ и всех ча́д ея́ в сою́зе любве́ и единомы́слии, да утверди́тся мир и безмяте́жие в лю́дех, во оте́честве на́шем живу́щих, да позна́ют вси, я́ко Христо́с есть Пу́ть, И́стина и Жи́знь, и да прии́дут к Нему́ вси тружда́ющиися и обремене́ннии, и упоко́ит их. О вели́кий уго́днице Бо́жий! Кре́пкое стоя́ние в ве́ре на́шей

да́руй нам, благода́тную по́мощь нам низпосли́,
да ми́рное, ти́хое и богоуго́дное жити́е поживе́м
в ве́це сем и досто́йно с тобо́ю в день о́ный
восхва́лим Пресвяту́ю Тро́ицу, Отца́ и Сы́на и
Свята́го Ду́ха, во ве́ки веко́в. Ами́нь.